



Fegl d'infurmaziun per midar il prenum d'ina persuna maiorena

Premissas

Per inoltrar ina dumonda per midar il prenum d'ina persuna maiorena ston esser ademplidas las suandantas premissas:

- domicil en il chantun Grischun;
- maiorenitad (vegliadetgna d'almain 18 onns);
- existenza da motivs respectabels tenor l'art. 30 al. 1 CCS.

Il simpel giavisch da midar ses prenum na basta betg. I ston vegnir preschentads motivs chapaivels, suandabels e persvadents. Ils motivs che vegnan fatgs valair na dastgan esser ni illegals, ni abusivs, ni cunter la morala. L'intent da la midada dal prenum è da princip quel d'eliminar dischavantatgs serius ch'èn colliads cun il prenum vertent. Fatgs pretendids ston en mintga cas vegnir cumprovads. I vegn premiss che la persuna pertutgada portia il prenum giavischà dapi almain 2 fin 3 onns e che la publicitad l'enconuschia sut quest prenum (resolvà resta il prenum uffizial che vegn duvrà en il contact uffizial) e che quai possa vegnir cumprovà cun documents.

Dumonda

La dumonda per midar il prenum sto cuntegnair ils suandants puncts:

- indicaziuns detagliadas dals motivs respectabels, tenor ils quals ina midada dal prenum vegn giavischada resp. è necessaria;
- preschentaziun dals dischavantatgs ch'il prenum uffizial actual ha;
- decleraziun da consentiment ch'ina eventuala midada dal num che sto vegnir permessa vegnia communitgada a l'uffizi da scussiu responsabel ed a l'autoritad ch'è incumbensada da manar il register penal (quai po vegnir declerà en la dumonda u cun suttascriver in formular separà, formular "Autorisaziun", vesair sut fegls d'infurmaziun)
- adressa cumpletta incl. numer da telefon sco er data e suttascripziun da la petenta u dal petent.

Documents

A la dumonda per midar il prenum ston vegnir agiuntads ils suandants documents:

- **cumprovas**, da las qualas resorta ch'ins enconuscha la persuna petenta en il sector privat gia dapi 2 fin 3 onns sut il prenum giavischà ubain en la furma scritta applitgada (p.ex. copias d'attestats da scola u da lavur, diploms, corrispondenza, quints e.u.v.);
- **formular "Autorisaziun" suttascrit**
(nun che quai saja gia cuntegnì en la dumonda)

Persunas cun dretg da burgais svizzer:

- **original da l'attest da stadi civil**, betg pli vegl che 6 mais
(d'obtegnair tar l'uffizi da stadi civil competent dal lieu d'origin);

Burgaisas e burgais da pajais esters e persunas senza naziunalitad:

- **original da la cumprova dal stadi civil registrà**, betg pli vegl che 6 mais
(d'obtegnair tar l'uffizi da stadi civil dal lieu da domicil, nua ch'ellas ed els sa ston eventualmain laschar registrar ordavant en il register da stadi civil);

Entant che la procedura è pendent, resti resalvà che ulteriurs documents ston vegnir inoltrads.

Autoritad competenta

La dumonda sto vegnir suttascritta ed inoltrada – ensemen cun tut ils documents necessaris – a:

Uffizi da migraziun e da dretg civil dal Grischun
Dretg da burgais e dretg civil
Dunna H. Beglinger
Engadinstrasse 24
7001 Cuira

Infurmaziuns

Ulteriuras infurmaziuns survegnis Vus sut il numer da telefon 081 257 26 29 u per e-mail sut heidi.beglinger@afm.gr.ch